

Broj: IP-01-25-1/24

Datum: 15.08.2024. godine

Na osnovu člana 13. Statuta Lokalne fondacije Zenica, predsjednica Upravnog odbora na sjednici održanoj u Zenici dana 15.08.2024. godine donosi

PRAVILNIK O RADU UPRAVNOG ODBORA LOKALNE FONDACIJE ZENICA

I. OPĆE ODREDBE

Član 1.

Ovim pravilnikom uređuje se rad Upravnog odbora (u daljem tekstu: Odbor) Lokalne fondacije Zenica (u daljem tekstu: Fondacija), kao i prava i obaveze članova Odbora.

II. SASTAV I FUNKCIJA UPRAVNOG ODBORA

Član 2.

Odbor je upravno tijelo Fondacije.

Odbor se sastoji od pet (5) članova, od kojih je jedan Predsjednik Odbora.

Članove Odbora imenuju i razrješavanju Osnivači Fondacije.

Dužina mandata članova Odbora je četiri (4) godine, sa mogućnošću reizbora.

Član 3.

Odbor je nadležan za:

1. Donošenje Statuta, izmjene i dopune Statuta i drugih aktata Fondacije utvrđenih Statutom;

2. Ostvarivanje ciljeva Fondacije utvrđene u Statutu;
3. Kontrolisanje sprovođenje Statuta, programa i plana rada kao i druge akte Fondacije;
4. Upravljanje imovinom Fondacije u skladu sa pozitivnim zakonskim propisima u Bosni i Hercegovini i svojim internim procedurama;
5. Imenovanje lice ovlaštenog za zastupanje i predstavljanje Fondacije;
6. Odlučivanje o spajanju, podjeli i prestanku rada Fondacije, kao i drugim statusnim promjenama Fondacije;
7. Sačinjavanje finansijskih izvještaja i izvještaja o radu Fondacije;
8. Odobranje godišnjeg finansijskog budžeta na prijedlog Predsjednika Upravnog odbora Fondacije;
9. Vršenje drugih poslove u skladu sa Zakonom i Statutom.

III. SASTANCI I PROCEDURA

Član 4.

Sastanci Odbora održavaju se najmanje jedan (1) puta godišnje.

Sastanke saziva Predsjednik Odbora ili, u njegovoj odsutnosti, Zamjenik predsjednika.

Pozivi za sastanke šalju se članovima najmanje deset (10) dana unaprijed, uz dostavu dnevnog reda i materijale o kojima će se raspravljati.

Predsjednik Odbora je dužan sazvati sastanak Odbora ukoliko ga zatraže najmanje tri (3) člana Odbora.

IV. ODLUKE I GLASANJE

Član 5.

Odluke se donose na osnovu glasanja.

Svaki član Odbora ima jedan glas.

U slučaju jednakog broja glasova, odluka se donosi na način koji predviđa Statut Fondacije.

Odbor ima kvorum kada je prisutno pet (5) članova Odbora.

Sve odluke osim onih definisanih članom 18. Statuta donose se konsenzusom prisutnih članova.

V. ODGOVORNOSTI I DUŽNOSTI

Član 6.

Predsjednik Odbora je odgovoran za vođenje sastanaka.

Zamjenik predsjednika preuzima zadatke Predsjednika u njegovoj odsutnosti.

Članovi Odbora mogu učestvovati i glasati na sastancima Odbora, putem telefona, telefaksa ili drugih elektronskih sredstava.

Članovi Odbora su obavezni da se pridržavaju etičkih standarda i da djeluju u najboljem interesu Fondacije.

VI. NAKNADE ZA RAD

Član 7.

Članovi Odbora nisu plaćeni za svoj rad, koji je počastan i dobrovoljan.

Članovi Odbora mogu primiti naknadu za razumne putne i slične troškove koje snose u vezi sa svojim radom i funkcijama članova Upravnog odbora.

VII. ETIČKA PRAVILA I KONFLIKT INTERESA

Član 8.

Članovi Odbora su obavezni da se pridržavaju visokih etičkih standarda.

U slučaju konflikta interesa, članovi su dužni da ga odmah prijave i uzdrže se od glasanja u vezi sa predmetnim pitanjem.

VIII. IZMJENE I DOPUNE PRAVILNIKA

Član 9.

Pravilnik može biti izmenjen ili dopunjen odlukom Odbora.

Izmjene i dopune Pravilnika moraju biti potvrđene većinom glasova članova Odbora.

IX. PRESTANAK MANDATA I RAZRJEŠENJE

Član 10.

Mandat članova Odbora prestaje:

10. Istekom mandata;
11. Pisanom ostavkom dostavljenom Osnivačima;
12. Opozivom člana od strane Osnivača;
13. Kada član Odbora Fondacije djeluje suprotno programskim ciljevima Fondacije;
14. Kada član Odbora Fondacije ekscesnim radnjama i svojim ukupnim ponašanjem ruši ugled Fondacije;
15. u slučaju smrti.

Postupak za razrješenje članova sprovodi se u skladu sa Statutom Fondacije.

X. ZAVRŠNE ODREDBE

Član 11.

Ovaj Pravilnik stupa na snagu danom usvajanja od strane Odbora i objavljuje se na oglasnoj ploči Fondacije.

U Zenici, dana 15.08.2024. godine



Azra Ganić
Azra Ganić,

Predsjednica Upravnog odbora